

四庫全書

集部

欽定四庫全書

澗泉集卷四

宋 韓流 撰

五言古詩

夜過斯遠聽琴

琴聲類箏笛俗手多一律伊嘯悅兒女焦急沅桐漆予
嘗為作評當是養心術大絃寬而和小絃精且密製作
務高雅資材在清實既鼓復以歌其氣可平壹昨從東
海君置酒風月室歡然十指間揮弄俄頃畢灑落冰雪

容輝潤金玉質人品既如許古樂復在膝顧予面生塵
見之頗自失急歸卧南山十日不敢出

過履道

麥天氣清潤礪道開午晴篔簹度浮梁我興隨所吟書
軒簷葡風笑語亦揮觥主人謂客何歸路付醉醒

過履道山堂及子潛家方齋

盡日苦久旱凌朝得微涼悠悠我所思眇眇天一方搔
首亟盥沐籃輦上河梁城闔士如林進取自行藏孰甘

尺蠖屈孰羨鳴鳳翔分寸絲忽間膠擾互奔忙嗒嗟尚
何詣交誼或難忘山堂兮方齋城樹鬱葱蒼豈無塵榻
地茗瀹容細嘗放身易云晚屋角下殘陽虛明見雲風
從君以徜徉須臾夜色起片月翻流光影靜理無違語
愜情不傷相將得歲寒留目禾黍場可以飽喫飯餘事
掃粃糠

喜趙十訪昌甫

君再到章泉我愧未能往玉田金仙路薰風滿林蕩殷

勤好寄聲不必論
識賞藥餌何關心
茶瓜姑抵掌村虛
曉霧昏山危
夜泉響翁弟亦
皤然梅天苗更長

夜訪王丞

吳會浩繁地
霜夜欲何之
白髮湖海氣
良朋試尋詩
爾可收拾取
我亦爛漫題
只今歲闌時
孤山有梅枝

丈叔見過山居斯遠亦來有懷昌甫

薰風拂眼過
不知夏將深
起視樹扶踈
聊以舒嘯吟
故人忽相過
我取酒同斟
涼夜月未落
相與試論心
溪洲

有潛魚山谷多翔禽升沉本何意能言不如瘖斯遠居
近市昌甫棲遠岑文叔宰百里一一皆可欽二子則良
晤一子當荒尋詩罷子忽醉掩關眠楮衾

管解元欲見巽伯

春秋經世志問取大愚家盤折入舉文唾手為國華從
容試講評三傳寧浮誇南渡今百年中外義非賒

吳推官十五見過

君來已三年凡幾過澗上杯酒追我饑言笑亦舒暢同

遊多時髦意岸雜謔浪倡優發俚曲兒態或動盪君今
欲行矣家山信無恙人情久則疏是乃流俗狀吾儕遠
逾密此當足嘉尚蕭條麥秋寒烟雨寫青嶂江空一水
橋城郭兩相望他時延陵西彼此記閒放夜來夫如何
不和可無唱

文叔入城夜半同斯遠見過蚤作聞而賦之

西風勝士集敲我月下門醉語驚童稚今晨能具言未
知何許人步武皆騰軒顧非有逸韻疇肯臨丘園時予

亦被酒正爾飛夢魂栩栩妙理熟布衾清而溫了不聞
其然醒來復何論奇事既已失躊躇黃葉村

三十日邂逅柯錄同集希之月臺

夜涼河漢迥高風散梧桐危臺出塵埃相與天壤中把
酒自蕭散有句同從容記取長安城人海如魚龍

同醉僧夜坐鄭一書房

空山帶荒溪小牕語寒燈寂歷歲云徂醒眼猶拊膺訪
友得幽伴無人醉閒僧地爐火深紅瓶梅影鬢髻

過成李

歲寒日之夕
踈籬梅放花
池塘霜氣淨
柳帶吐芳芽
山根擁殘雪
亂石逕橫斜
片帆下晴吹
行吟過君家

薄暮一二隣友見過

燃燭熾爐炭
小雪冬已深
朋從把薄醪
不受寒暑侵
山空風夜號
落葉鶴鷗音
揮手語坐人
盡醉惜此心

雪後過雨巖訪履道

讀書了科詔
公子顯揚謀
歲寒松栢堅
高冢蔚而幽
書櫺

耿冰硯日屋嵐未收上馬國脉壽下馬民瘼瘳父母凜
遺體操持夢前修四載得重來長言非燕遊蕪蘓行跡
稀雨巖丁嶺頭共飯少徘徊我志君勿求

二十八日過器遠是日生朝且有淮總之辟

驅車吳山道西指咸陽橋南風吹酒醒何以永今朝主
人千歲期雙鬢綠不凋良集紀初度鵬翼當扶搖京城
峙三都鬱乎何宕堯勉賦從軍詩鐵馬鳴蕭蕭

約元立致道遊龍井各以事辭

平生荒野處謂可開笑口筇杖蘭漿外忍復歎藜糗春
深西湖山已落衆人後尋幽欲吟搜載酒拚醉嘔今晨
思一行約友意復否融融月穿樓澹澹風動牖放浪嵇
阮流不應獨古有

二十五日文蔚携酒餌夜同訪鄭教授

携酒問吾黨有詩當歲窮城頭數疎更窗外飛過鴻悠
悠澹澹裏忽忽茫茫空我爾且一杯古今多三公

訪履常於斯遠所館書樓

樓居兩仙人冰雪玉鍊顏整整羽袂飄意象高且閑塵
眼一見之竟日幾忘還歸來山空寒明月流松關

過釣瀨望方干故居

今年第一詩白雲詠玄英應知避人爾老去何心情烝
哉文皇家身世徒自驚結廬釣臺下偶然留姓名蒼蒼
雲山高雪後江水清崇朝起春寒遙林舞風聲扁舟轉
晴午餘思柔櫓輕閒僧奉香火客來亦逢迎笑指巖與
方可以觀我生彼此各有時三吳是神明

二十七日同鄭一尹一上高泉夜醉而作

生死本一致賢愚同一科高泉寺前水春風靜流波曳
杖揖殘僧奈此世諦何棲賢堂外祠莫待叩角歌

醉書

槌碎黃鶴樓吸盡西江水索酒可以起吹燈照無睡夾
城溪湯湯負郭山靡靡逢花其命乞蓬心我蓬累

次韻斯遠同僧尋泉眼二首

幽尋誰與娛寵從而壑崕斲泉蒼蘚石亦足理心眼荒

鋤本何好所適謂可款林叟忽相值言笑不知返

上人何方來解包與深遊翩然松下吟意行崖壑幽淵
淵水色古疑卧蛟龍虬雷雨當滿盈奮動無此留

餘杭拉趙履常昆弟同曾甥守約遊巽亭

平湖溜清漲亂石夾遠流洗盞與客言展席愜我遊人
生貴自適世道將焉求晚峯忽前列鳥鳴來白鷗

初九日上南隴二十日同成季訪俞伯輝

二士我所尚得閒遂幽尋盤桓南隴中迤邐梅崑深長

日蘊輕暑宿雨收積陰飄飄吹薄衣遥遥豁煩襟綢繆
敦宿好留連匪他心泉石縱惟宜爵服豈不任天運每
如此歡言理清斟

次公留飲

清霜水南夜海運一杯酒不知千古人而得二三友君
未可青眼我只是白首吟哦醉夢間共賦無何有

鄰並閒飲

春泉滿山澗春風到山家蘭英已披逕芹枝亦浮沙我

乘晴影步所至憐物華幽處有真意避塵塵轉賒

孫行之國錄相過同飲傳庵水閣因與王校棋
春餘却掃坐衡門車馬音青雲有達士意行來澗陰言
詩取酒飲命友以棋吟老懷為相羊無悶良在今

尹一家同孔道士飲鄭一繼至

歲暮出門去玉溪城郭深故家誠可數高士亦過臨坐
久狂客來身老皤鬢侵吐吐酒未醉諧笑方侵尋

同趙判院桂秀才過太霞廣信省雪因飲澗梅

山色富昏曉澗痕餘濁清惟詩是我興不飲非人情思
仙窮有頂入寺說無生冷藥疏枝底夜歸虛籟聲

教授同太守過橫碧因留教授一飲

班坐橫碧軒便足了吾事水南凍雨中歲晚欲何為人
生哀榮爾翻覆當有自使君真不凡賓從隨聽視偶然
理牕楹豈曰登臨地呂曾骨已朽方來重增喟蕭閑著
我老婆娑恐容易惜乎一盃酒未敢駐千騎梅花山翠
寒孤香發清吹

昌甫再集橫碧

幽幽溪南山古寺占巖曲昔人不可見佳處欲何屬素
秋集今雨清晝話前躅因君重徘徊煮餅飲醜醜

青山如佳人不暇相應接風軒一開明烟巒幾重疊云
乎具尊酒乃爾隨步屨寺古天薄寒牕前墮紅葉

士悲此凜秋而且復季月撫世徒紛華徂年信飄忽經
行見登臨道舊嘆存沒不知其何心予懷到明發

方齋子潛留淪茗

茶詩四首其二首見
七律其一見七絕

地瘴山氣昏中夜雨忽作霏霏曉猶濃午后漸收脚雲
光散微日風動葉初落老身閒牕坐觸事何厚薄旨蓄
思禦冬爰寂復爰冥鳥噪雞亂啼爐湯茗徐淪

六月周次公俞伯輝余子壽共飲

煮餅了長夏飽外非所憂既和以滑甘亦用冷煖投芼
之蔬茹嘉一筋真良謀風軒置盆水簾虛漾林幽更催
石鼎煎淪此茗雪甌且足為口腹庶得少遲留山房無
六月微涼已颼颼庚伏始云中不日天下秋善來二三

友閒身宜自由步可著兩履況可掉扁舟破壁委窮巷
孤城帶芳洲初傳多黍稌忽詔捕螟蟲但畏妨我詩恒
饑思難抽

謝章令率同官載酒

宿麥雨可種野梅凍欲坼令君領賓從假日訪幽僻陽
升正初辰道泰知有日觴行既頻屢談至或憤激眷言
數君才何乃辱此邑大夫如豫章建厦固所急薄公名
家駒薦士宜首及尉曹學省彥求盜豈其職征官偉丈

夫名宦終見迫，顧我獨亡賴。甘作山林役，定遷且半載。
未有如原缺二字溪山為欣豫，閭里爭誦說。意同邀陶潛，事異
過執戟。人事果好乖，推遷已疇昔。

邂逅一施二徐留飯

深山固涼冷，荒塗秋尚炎。誰歟約僧牕，里彥長少兼。夜
飯頻忘疲，片月忽滿簷。友賢吾敢棄，他事皆毫纖。

對酒

馬周新豐酌，誰能復悠然。孟公投轄飲，有客亦可憐。君當

怒醉人淵明真欲眠速相就一斗杜老青銅錢何如山
牖秋指點鄰甕邊

趙將招飲南池

暮春南池上遊朋一追隨豈不能把酒亦復多成詩主
人歌聲長塵務誰思惟握手到爾汝却恨杯行遲是身
既長閒便覺處處宜秉燭夜向深明月忽如斯勿使兒
輩覺甚矣吾獨衰

宿九峯次早黃八哥載酒來

金剛經卷四
卷四
鷓鴣鳴山翠松日行曉光一庵遠市廛自惜宜自藏瑟
瑟聞人迹熙熙見壺觴老境為獻酬筆到詩成章

九峯晨興

方池貯新泉高松發清吹晨光散朝雲日影倏然至翔
禽去復集春聲競姿媚宴坐香燼飄是身吾所寄

小酌山園

朔風起山霧四望多浮陰人情逼歲除梅花照高林興
言一樽酒豈顧杯淺深可醉便須醉丘中有鳴琴

徐斯遠山園

誰歟步高丘雲山以為園荒寒繞蒼碧翁容得深秀清
猿嘯後嶺白鳥度前岫是中可忘言煎茶了閒晝

吳推官同昌甫諸人飲澗上

世味嚼蠟爾臨風強吟哦故人今誰來門前車馬多招邀忽
聚集款曲成婆婆齒髮我已老歲月如擲梭有酒不為飲奈
此好事何分題詠清趣但恐俗所呵吳侯金閨彥公餘乃相
過歡笑酬座人時春復清和濯我澗上泉因之而嘯歌

同景瑜諸人飲于橫碧

老我強言笑，因人閒往還。
淒風落寒雨，野寺藏空山。
寄懷文字中，放手盃酒間。
衰草翳石梯，長杉映柴關。

夜色起佛屋，遙遙一鐘鳴。
年運今何時，共此觴咏情。
竹爐煖深煖，紙窻留微明。
舉手揖坐客，為善無近名。

殘僧項黃稿，兀兀度朝昏。
摩指因睡眠，苦寒常閉門。
爐熏柏子香，客來忘所言。
試與之飲酒，亦盡一瓦盆。

歲月不待人，初寒迫深冬。
慨予歌聲長，天地亦改容。
歌

罷擲酒盞忽然動昏鐘風餘雪霏霏鴉棲鴈雖雖

次公書室小飲

南屏有幽牕焚香讀道書林聲起肅霜寒事亦淡如安
時可娛老靜契心地初誰歟主與賓酒酌方舒徐

月夜散步浮橋因取酒與諸友小飲

出谷秋水上海橋風月涼斗柄插斜河露氣垂雲光取
酒為更酌四顧一笑長歸徑黃葉乾雁鴻正高翔

午窓羽客相訪

客從赤城來氣貌霜髮古破裘傲寒色忍與世仰俯時
能茹芝朮謂可生毛羽物外有高風相期到瑤圃

舟中道士鄭谷耕摘阮咸清甚而雅放

天台坐忘真為我洗俚耳浮舟作阮咸坐客亦興起此
聲從何來湖陰正清泚孟公苦好客下榻更奇士盧遨
踞龜殼萬事俱不理夏衣始輕體蓮錢復靡靡重酌黃冠
師依風且流徵

二十七日同伯臯宿真隱二十八日寒食觀昌

甫詩恭叔所題字觀中兩樹辛夷花甚大道士

撫琴試新茗

風日明寒食古觀辛夷花冉冉山勢轉寂寂溪流斜
摩挲舊題字故人天之涯尚餘子臯子與我同咨嗟
素抱安用攄清彈啜新茶

中秋羽客相遇坐浮梁四鼓

千古中秋月夜深橋上看玉溪湛無波山靜天宇寬
同來得羽人跌坐白雲寒自謂脫塵鞅誰知尚微官
隱隱

見孤城潺潺聞遠灘是身吾所寄僊去亦不難
光芒星斗稀雲氣時瀾漫歸來卧柴扃形神轉清安

酒熟

意緒忽不整甕頭新酒香雨細起暝色天低漏寒光
殘花菊枝短老葉楓樹長取醉乃吾事山空欲清霜

庵鄰王家兩送酒來

渴飲對空觴俛仰自長喟賴有田中鄰時時遣酒至
歡言斟酌之感彼勤重意漂母哀王孫從古多此類
澤畔

且行吟春風尚堪醉

謝友人惠筍

知我出山久忘却山中味持贈忽滿奩不憚少破費抽
萌有生意抱節無嫩氣祇恐人已俗食之又何謂

鄰僧晚磬

回風薄棲鴉寒色倏已暝禾收正行田木落應掩徑市
聲頻年稀人迹中夜定心嬾隣更閑僧窻有幽磬

趙主簿以許旌陽李八百像刻來因得二首

金匱要略卷四
卷四
眇眇西山路誰知許旌陽餘事斷蛟爾劍氣聊自藏羣
陰養魑魅往往常披猖安得從其游像刻不可忘君能
一弔古墓遺勞持將定非凡子須相與彌慨慷

蕭蕭八百洞高安尚流傳謂李脫亦可貌出真神僊洗
我短世悲遐哉謂之玄安得從其遊棄置塵垢羶君能
一弔古墓歸遺何偏澗頭霜葉寒相與知其賢

海運

春山非隱淪乃作養生計豈無軒裳心蓋欲了千歲當

其稟賦初冲氣甚微細誰知憂患多坐使百脉滯海仙
用竒語安眠可元契因之地爐煖綿綿見根蒂乾坤一
交泰日月去昏翳萬事俱若遺一身且康濟

祝融吟

紹熙三年冬二十有五良月信城西一火近千室其
間邸店多吾亦僅六七暮收五百錢旦為十口寶茲乃
例遭焚隱忍不敢詰閒常巷黨人意謂頗豐逸高者即
見鄙下者但相疾終歲縱栖栖疇肯顧蓬葦生產今泯

馬諸賢必能悉祝融疑相吾參元可同律

柳河東興
王參元書

溪汎浮橋屢解

潢潦漲梅潤五月三解橋浸淫人尚可恐汎新挿苗傳
聞錢塘湖閔雨宸慮焦玉帛走羣望虎頭潭蕩搖如何
千里間陰陽猶未調干戈或底定豐穰蘇瘵凋郊居茅
茨濕不過日寂寥饑寒自常事鷄鳴復蕭蕭

示兒

士固貴誦說人亦要力行氣質到深厚心術尤分明貴

賤易遷變是非多戰爭直宜剛且正無復弱而平

示子文

悌弟其誰家懽然友于兄飲我一盃酒北客交舊情涼
雨清晚雲庭柯澹陰陰席間長少集文獻各準繩是豈
小故哉宜醉亦宜醒

叔逢尊兄同二猶子季夏奉先翁南山先生初
忌祠事宿安固山房長姪賦詩和章盈握余時
客我下莫與省掃東望悲哽入秋迺能賡載隨

韻寫情不敢自以為詩也

詩筒南山來緘題手親揭三年蓼莪廢楚愴不堪說向
來志顯揚豈不願華燧自量分子薄斂退畏官熱所冀

短日延得奉蘭羞潔物聚斯有散中豈長盍盍

以合為義與嗑

嗑之
盍同

吾翁燭此理至言不苟發謂宜發老更前後祝哽

噎洞天俄趣還玉鎖一笑掣百年會歸盡九原疑可作
傷心北岡松長掛東嶺月遙聞朱煒未省掃俎豆列我
獨滯三莪轉燭半年別一生未禪悅靜慮已朝徹眷此

顧復思追遠倍悽切阿兄抱淵靜諸阮更矯節無忘溪
翁銘念念攸好德靈源濬演迪可使中過絕我雖懦不
武憤世能激烈庶無忝所生願賦濂溪拙

晴窓

晴窓已晨炊趺坐焚清香泥爐擁瓦缶熟此蟹眼湯茶
甘泛松實舌本味亦長溫乎氣忽平兀然夢相忘

壯志

壯志老不已撫劍斥宇宙日月倏過眼孰得百歲壽只

今忍困苦不必羨貴富蓋代事業在唾手可以就

二十六夜坐

初霜滌餘暖山氣何其明水痕亦漸收澗淺流不聲翔
空有鳴鴈肅肅已南征人間易為老物引誠可驚憑牕
既危坐出門復安行夜晚村微火得酒承滿觥且了讀
殘書理愜意逾平

身老

酬應於外久身老氣亦餒混淪一區宇涵澄即淵海雅

俗詩書遷炎冷歲節改運轉大化間壽者亦何待

老面

老面見達官強附終不近人之所以然蓋我無令聞安
富是其時尊榮本其分只合坐茅廬灰堆埋牛糞

袖手

袖手坐春晝淵淵古井水倦澆淵明巾姑隱子綦几沉
冥極顛末昭徹貴表裏裕矣得失心隘哉洗其耳

枕上

收息卧曉枕鴉聲報天明一簷隔市塵便有嘈雜聲今
晨雪如何云何蝗不生且願蝗不生明年穀價平

清坐四鼓

僧窓耿清燈秋蟲入虛聽風收松聲迴夜息人籟定清
明養我神湛寂見我性萬有雖自然唯樂獨也正

危坐

寒燈夢初覺危坐收此心心亦合自收無念即清深舉
足塵埃起盈顛霜雪侵枯禪縛意馬練養無胎禽

偶興

案此詩四首其一
見五律一見七律

少小住京邑不識世寒煖
歡來上高樓但愛湖水滿
所歷輒忘歸其交亦常歎
豈伊歲齒深遂與境事斷
蕭蕭宋原宅赫赫金張館
原堅多俠遊隱約出幽伴
胡為乎山中長歌至於懶

輕風度林杪亂山啼子規
流水去無迹茅簷雨霏微
乍暖復薄寒時時整巾衣
炊烟晚色起呼童掩柴扉

十四日推枕引酒信筆書此

空云春晝長明晦苦參錯連朝服衾枕疲茶不可作豈
唯慮歸舟去沒逢蛟鱓卧聞耕桑家種敗蠶栖箔憂來
故耿耿政爾須杯勺酸甜無正味聊以慰寂寞譬如無
絃琴亦寓山水樂

偶成

南風吹時雨襟抱忽然開憑軒一長謠清句亦滿懷當
年沮溺心自覺未為垂桑麻澗上泉何不返故棲帝城
塵埃中隘巷多塗泥擺落更奚道強顏終莫諧規規二

十載今日始知迷仰視天宇高歸雲去難回

又

淫淫梅子雨靡靡上郭山山既遠籬外雨復濕窻間林
深葉蔥蒨地偏水潺湲鵲噪雞鳴午風定白雲還

逸此一寸心養此七尺軀寒往則暑來日居而月諸萬
古固寥遠百年乃須臾儀秦徒縱橫唐虞祇都俞

重午是一節芒種又一氣何因至怡悅底事苦歔歔園
林無俗情琴書有真味貧者自為貧貴者自為貴

偶感

用物多則強境熟氣易定壯膽騁寡見迷情忽羣聽茫
茫可與否沓沓賢且佞名利纏古今孰不墮此徑驅馳
每衝曉展轉直至瞑固肥爾室家端繫我朝廷身無百
歲長事有一日罄留侯李鄴侯大似醉者醒歷久只兩
人吾常喜深訂

夏日思家林

籬門綠陰合澗水通流泉日影過屋外風聲落山前好

客時時來琴尊詠殘編餘涼醒午醉鳥語更清圓

林下

林下寂無事坐對春風晚杜鵑啼一聲花落水流遠琴書送日月胡能計行遊自是得棲遲奚敢事偃蹇

雜興

清風穆然至林影何其明不知春已夏池荷亦敷榮展簟理竹榻幽夢時自醒起行散腰脚氣適無留情

翩翩蝶粉白氣化隨所之人生事物間自役應自知賞

心有餘樂即目無足悲天運非偶然神釋形已疲
雲雷布涼雨早稻葉翻翻携鋤走畦町惜水不厭渾吾
方卧澗壑人奚識丘園望歲可以飽高歌誦虞軒

長溝護流沫沙石擁聲處溯洄一鏡淨更覺雲影住不
辭數魚蝦甚欲下鷗鷺夏氣忻已深今古本如故

獨立看沅水草樹相因依清田澗聲長碧下波影遲人
生老當斂心口常自違啼禽忽飛來夏氣今如茲

春日雜興

人多愁不達達則定無愁不知所愁何大半為身謀爵
服縱可貴事業終悠悠以茲旦暮心且從山水遊
以我視彼心當思我如彼未必有所益徒更紛紜爾世
道升降間古今只一理昧不知其然如是而已矣
當其未生時孰知我能老既老復須死何其置懷抱談
空與說妙終古吻不燥此身無厭生得酒醉亦好
儒者求專門是豈為我儒鄉原復不佳必竟將何如未
有孔孟前堯舜非著書觀書亦不惡塗轍亦差殊

四時景自足何必寫以詩詩成句讀間不過我自知但
恐兩眼昏心識如亂絲血氣一耗散逐物之所之

種田圖得米終歲亦勤勞當春把鉏犁和風滿東臯豈
忘水旱憂流離至逋逃未必可就食徃來徒嗷嗷

士以科舉計本避農與商謀利則皆然役役真可傷周
之士也貴里選而論鄉上人能用之身尊道彌昌

戎馬紛羣寇殘害吾赤子被之以禮樂庶使保生齒如
火熱水深亦運之而已治少亂則多堯舜惟孝悌

幽草清更佳被花多白紅烏啼蝴蝶亂村村是春風人
無杯酒飲不得此意融春過夏將至迤邐成秋冬

佛老多情民其書不如此儒者讀儒書飲酒食肉耳古
人之糟粕不過一片紙不讀亦自佳徒以資口耳

古人善為治焉得常繼之施為須臾間亂之以參差請
觀一歲年陰晴每如茲大抵正自難君子易憂思

茫茫天地寬山水多回礪一山復一水又爾為聚落聚
落成城郭貴賤分憂樂豈不知其然何苦生厭薄

秋日雜興

園荒無與鉏草樹暗如織披榛理幽步野氣頗有力坐
令世網心不動自然息更見吾濕泉無波瑩巖色

木槿亞紅淡牽牛蔓青滋露晞涼風入陡覺居處宜巖
桂中秋藥籬菊重陽枝何必春始榮物物有其時

開軒散幽帙今昔隨所詣何如徹名色庶不流聲勢撫
几聊自怡髮牙易凋弊安得同心人相忘可忘世

亭亭雞冠花散出非所蒔色與秋日明葉與秋庭媚山

閒人自稀鴻鴈幾時至境象吾素知茅茨下清吹

雨中雜興

獨吟不知秋獨坐不知晚坐久頗搭陀吟深或偃蹇棲
棲與世踈默默去道遠澄淵無起波長谷有絕巘

涼風固不惡涼雨誠可佳庭空鳥雀至籬破藤蔓斜倦
體得支吾睡眠失昏花門前客能來我亦留茶瓜

蛩吟四壁立月過一窓閒光明動音聞此是我家山才
短任固艱氣餒髮亦斑人物與天運初不苦相關

客來難共語客去寧自孤未能高遠引非斯其誰徒寥
寥同心人一逝不可呼淵明醉即眠所以愛吾廬

枯禪未離喧隨俗或安雅翻覆大化中誰是長年者同
光須臾期塵埃野馬也風亭木葉下村村又秋社

春懷

蝴蝶為莊周黃梁熟邯鄲遽然一夢覺茫茫天壤間相
推明日月來徃成暑寒山林與鐘鼎宵中了不干

東風已飛花綠葉生晝陰呼童整春服清溪一嘯吟時

序遽如許不知情淺深夕陽忽在山輕烟起沉沉

單舸下長川相與兩文士歡然叩舷歌激激響風水山
頭秀松杉城陰富桃李周流至橋邊興極笑而起

澆淳固一致大抵務歸厚百年草棲塵孔孟已無有書
不求甚解又不喜飲酒宦情隨牒移庸能累身口

潺潺澗聲清杳杳一徑靜晴鳩喚雨鳩屋角自相應佳
處無時無領略在吾興萬理鍾自然名物可爭競

萬言一杯水馳辯漫擣藻飾智以驚愚去盜亦有道吾

哀夢周公青春鏡中老富貴親戚畏位高金多好

秋懷

人生一世間百年幾晴陰貴賤無定在歲月徒自深世
路有夷險宦業多升沉未能率此性于何不動心在彼
猶在已視古猶視今不須問行藏且圖豁曾襟鄰翁有
酒不對我成清斟

小雨不肯晴烟中猶霽霽出門泥未乾枯柳弄微綠皇
皇欲何之君子貴謹獨屋上幸有山屋邊亦種木西風

遠東籬秋來更多菊采擷升中堂悠然興自足斷絃尚
何問鸞膠有誰續居今寶思古孜孜慕前躅

虛堂倚修竹冷冷自蒼翠東軒亦不惡小山發叢桂殘
蟬猶啾啾新鴈已嘹唳撫几憐歲華何用苦文字顏子
曲肱眠陶令日日醉鄙哉乘時者急急死名利百年歸
山丘等無身口累

我愛淵明詩超出俗調度執卷良自羞在手不忍去有
時成誦之行歌倚松樹好風從西來蕭然尚何慮三歎

或已暮不知衣上露俗物忽欺人蒼茫認歸路

秋月從天來照人光清寒起舞或四顧夜色明飛欄舉
杯與之笑不知顏玉山醉倒復自起揮手捫天關衡門
終局促空戴頭上冠焉得萬里沙校獵馳雕鞍

讀書求甚解汲汲何時已紛然四海間臭味少相似人
誰識致知人誰務窮理不專尚空言但祗事苛禮曾莫
如老莊猶解究生死斯文今淪亡吁嗟乎餘子

壯士不逢時失身雜蓬蒿出門仰天笑入門復悲號驥

騷無時無誰為九方臯兩鬢空未白脫落已蕭騷博文
事華藻馳辨如波濤持此可求進義命畏所操雖於交
遊間好客時一遭握手或對榻氣岸兩相高奈此窮困
何耕鑿敢辭勞從渠肉食者厭薄一世豪富哉漢公卿
朝夕醉醇醪

天命有生死人事有盛衰亘古每如此一致該百為墨
翟非達道徒爾悲練絲寥寥千載間聖賢眼中稀悠悠
水東逝忽忽日西馳為學苟未至於人猶可思發言一

不善雖馬亦難追修身撰良辰浩然排憂悲

出門溪上行山蒼波渺渺漁子隱岸隈樵者來木杪時
當宿雨霽露滴秋風曉晨光明朝暎佳處殊不少達觀
宇宙間城邑何褊小

憶昔武夷君邀我相翱翔舟遊九曲溪授以却老方豈
知一別後蹉跎客他鄉空餘清夜夢幔亭發林芳會須
尋舊遊仙家日月長棄置烟火食岩前有困倉

秋來事幽討發興不能休此身幸未老馬能營菟裘西

山發秀色南澗渟清流山水無盡藏似足供我謀天然
有竒妙不待人力修光景逐昏旦節物因春秋吏事非
吾樂世態非吾憂耕鑿圖飲食蠶繰作衾裯更願長豐
登庶幾足所求

妾薄命

朝隨雙鴛鴦暮為孤鳳凰春風顧盼間羅帳生輝光金
盤薦玉食王母持雕觴能得幾時好頃刻成參商夜月
滿空階餘香在衣裳人生喜懼樂失計易沮傷本謂榮

九族旦夕如金張一身乃命薄粉泪空徬徨應羨里閭
間百歲同糟糠悔不祇從媒隨分作妻房

東山吟

謝安久不作東山尚誰論當年擁鼻吟幾為妻子昏撫
箏挽其鬚慷慨徒爾言諸兒淝水功折屐心已煩後來
名字傳江左猶知尊李白王介甫二詩至今存吾行樟
丘野迤邐懷德村有客理花草開徑於樊園云是愛閒
者衣冠安石孫一見邀我留取酒置盤飧世有斯人歟

宜受車馬喧悠哉扁榜佳碑板見淵源因之重歎息老
語不敢吞相與保初志春秋燕鷄豚

效齊梁體

徘徊碧山崦想像碧山人落日寒未昏飛鴻過之頻自
視恃俗姿忍與衆小鄰一朝入聖門畢世遺清塵只今
崖邊松可以經千春

讀鮑謝詩

山水能娛人清氣溢方州曳杖僧坊側積潦看橫流風

先草際變雲物天中浮士豈悉慕蘭吾其不夢周緬邈
五柳陶歸來事西疇

晝日夏方永逝波川上驚搖毫抒情思莫知蛙黽鳴老
身偃仰間遐心尚何征顧步得所逢揮手疑過清黃流
滴斷港青柳散前榮夫我自華門伊人滿蕪城景急語
勿緩混茫風雅生

讀淵明飲酒詩

山水幽絕處吾亦難為情此道世莫講肯計身後名徇

名與逃名俱若可憐生百年能幾何大半寵辱驚醒醉
一昭徹本來孰虧成

次韻斯遠和荅昌甫讀謫仙詩

琴樽發清謠老眼度閒日君侯句愈竒天然去雕織得
詩喜欲舞此意越今昔一從陶謝遠誰復見真跡直疑
天地來不在口耳覓扶搖九萬鵬天池可同息章泉泉
水清為我洗甯臆綠葉青春深夜月夢遙夕

醱釀落香雪楊柳生野煙東風過寒食物色誰能憐清

全宋文卷之三百一
卷四
晨沐蘭芳夷心玉景篇萬象春和中霞珮璆然

矯首靈山南遠目水溪東溪山春正濃勝事還當窮佳
人天一方欲見無由逢倚樓與下榻二士騰高風安得
兩鳧舄或杖一枝筇遊戲相徵逐老我百歲中

讀韋蘇州詩呈申之兼示八姪直之

結髮遊上國煌煌開吳京州檄易湖海所至塵慮嬰焉
知二十載潦倒還重經親黨勞行役朋來展交情登臨
共翔集離閣獨怔營暑氣曉猶斂堤水散新萍得理景

無違安時事逾輕

五思

我思列岫亭秋光滿靈山地高出林蕩下視城邑間有
時坐終日鄰僧亦往還屋頭木蓊蓊砌下菊斑斑放此
麋鹿心鍊彼冰雪顏今日復何日驅馳未能閑

我思南澗水秋雨漲白蘋但見禽鳥啼少值城市人倚
杖獨照影幽懷寄閑身潺潺瀉瀉塵舊汨汨來清新濯纓
江濱漁洗耳潁陽真長安多飛埃乃復在茲辰

我思靈井幽山圍路高遠青山四面合風聲自迴返時
携一尊酒坐石至昏晚嵐光發深竇翠色明絕巘荒寒
集鷗鷗淵澄見鱮鱓年來事寸祿捫心愧嵇阮

我思玉溪流松山日涵碧舟人相上下檣竿倚沙石出
門無百步飯飽時散策波寒逼衣屨空翠潤巾幘道上
逢漁樵庵前唯道釋此趣久已成何因甘役役

我思鶴山路田間望青蒼忽到絕壁下春風散林芳氣
煖石色潤崖穴如蜂房想像仙人來宜有隱者藏泉鳴

萬丈淵雲遠千仞崗老矣當結茅無為戀周行

滕黃梅遺鮑叅軍集

商秋散鷲颺嘉客木蘭舟停橈以遵渚意邈語綢繆遺
我鮑照詩遐歎睇前修徂年易為急憫默涇渭流

閑借雲笈七籤

一從冠謙之祖尚張道陵湮蕪五千言莊列亦不明荒
哉神仙家方伎劉向評存想與爐竈後世徒營營吾從
雲笈書七籤豈其情山閒焚妙香君房天禧經叩齒理

金史四庫全書
卷四
玉池天風韻流鈴玉歷眇延康塵劫無足驚

自庫中歸翻書有感

身形厭老大急以書自娛經史隨手翻於我皆不虛彼
人骨已朽今人復何如百年皆強營聖賢豈非疎

章撫幹詩編

詩道古所重詩篇今不難寂寥建安來尚有李杜壇齊
梁小兒體徃徃不足觀君侯賢關秀磊落夜光寒敲弄
豪俠窟洗滌儒腐酸連編忽墮前惘然失悲歡金華三

洞高東流五百灘乃能收拾之盡歸一毫端惜我保
社人未同把檀藥揮絃送飛鴻悠悠發清彈

書林

盧全五千卷鄴侯三萬軸二人書雖多顛倒俱在腹吾
常思其然豈肯汎然讀李侯真名家玉川惟破屋至今
數唐賢未易可追逐誰謂柯山西魏氏追望族衣冠照
樓觀再世新卜築中有簡編地仍復種修竹斯遠吾所
敬作記不碌碌發揮書林趣足以濯心目偉哉父子間

抱負如韞櫝要當大所施致主錫民福想見翻經時一
下十行速先得我心同聞韶心忘肉

黃子功云入吳曬書因以詒之

吾人聚集地常刺俗子眼過豈彼之是亦乃此之簡君
行往西湖曬書理碑版必入鵝鷺羣百事當一莞所抱
才志高天衢復何赧勿謂舍瑟希異乎三子撰清風炫
宗桃遽爾踈酒盞其與物為春至道嫌擇揀

夜過霞山看趙百醉詩刻及諸名勝跋語

撫我百醉詩把此一盃酒水南撼霜颺山月復在牖禪
家話三三伯主約九九得友良獨難吟倍搔首
鐘聲殷空山燈影照隻字區中無妙心天外有能事消
長以隆替昏旦而寤寐白夫阮籍眼擁矣謝安鼻

題趙四行卷

淡泊梅都官苦硬孟東野韓歐舒而明徐呂平而雅健
濶到應劉高深望屈賈章泉有斯人身寄玉山下

近從校書得太玄今又得蜀本歐陽文

本朝二百年古丈盛歐陽平生幾討論皓首誦山房誰
知落宦網不暇相携將旦旦藥市遊夜夜隘巷藏黃沙
撲几席細塵汚衣裳欲從人乞之囁嚅但徬徨珍重李
校書愛我窮詞章假借復取贈轉覺厚意長聊窮述作
心軻愈參翺翔向來太玄經遺我喜若狂晝夜測中養
至今迷三方二書或有盡盛德胡能忘

僧憲觀斯遠諸公詩

春風起春雪山路寒陰陰梅花豈不開立行尋我吟同

來者誰歟林泉潔煩襟摩挲僧窻題悠悠故人心

題梅溪橘閣詞

霜葉柳塘風烟蘂梅溪渡茅店問村醪未許空歸去倚
杖小裴回寫我吟邊句醉眼復何之落日孤鴻處

晁十哥出舊藏書畫

因過竹院酒共看竹院書坐中半北客南渡百年餘葉
大梔子肥橘樹正扶踈雲雷送風雨微涼入衣裾談諧
各鋒起才氣色敷腴道古不如今抱德或若愚洗殘勿

促迫開襟且須臾達人要領會興逸奚可辜

題趙希遠小景

春風吹綠樹占斷江頭路水煖浴鴛鴦汀沙澹吞吐斷
取置轉庵又作筆下句長安紅塵中相對得幽趣

紀夢

秋深夜自清揚揚夢初成短衣山麓間羽客爭將迎同
行得佳伴意氣還相傾或有設食者窻几皆虛明恍然
忽已覺此身微官縈只今閒且散心胡為未平尚復帶

孥累徒羨高舉輕方外多高人簞瓢思遠征

懷古


近城人語雜深山人語少重露滴烟嵐野水見魚鳥稻
梁豐稔外耕鑿願溫飽所以桃源人不與外人道

少壯既奚為老矣復難強紫芝未必仙采之亦可餉者
耄八九十道可無俯仰所以商山人辭漢寧獨往

案戴復古

哭澗泉詩云雅志不同俗休官二十年隱居溪上宅清
酌澗中泉慷慨商時事妻涼絕筆篇三篇遺棊在當並
史書傳自注聞時事驚心得疾而死作所以桃源人所
以商山人所以鹿門人三詩蓋絕筆也今所存止二首

其所以鹿門
人一首已佚



欽定四庫全書

集部

澗泉集卷

六五

詳校官庶吉士臣吳垣

主事臣呂雲棟覆勘

謄錄監生臣秦澧

謄錄貢生臣王兆泰

欽定四庫全書

澗泉集卷五

宋 韓澆 撰

五言古詩

玉山村民斲石為硯仲至以詩來索次韻

誰歟賦竒詩索我玉山研
產石斲未久所落荒野縣
如公筆陣高豈足供法戰
聊堪用鷄毛滴水共貧賤
市價亦不爭百錢可管繕
包提偶到吳取謂畏俗諺
胡為而好此感歎殊戀戀
徒咏絕妙詞舊事記黃絹

次韻喻學士

世味日以陋莫能商古今伐異或黨同嘈襟非正音我
生逢百罹倍覺空苦心堂堂玉泉家源委非蹄涔君尤
挺特操氣宇清且深相逢清河橋萬感成清斟發揮所
興寄傾倒所譯尋誰謂南渡久而聞正始吟黃華明露
高風迴雨垂陰白髮生已多只合同投簪

次韻斯遠雨中

尋幽我良久步步生白雲
泂潭轉長畝剝啄楓下門人

勝地逾佳語到聲成文紛乎彼城市有耳胡用聞夜雨
發竒觀簷溜迷幽芬我爾本何事今昔奚所分擁爐挹
名酒撫几矚偉文耿耿歲欲晚姑從野梅論

次韻鄭御帶苦熱

家山玉谿頭薰風水流烟小亭午夢餘清耳晚樹蟬本
擬老林下蕭散無窮年豈知一左計薄官能幾錢塵埃
京轂底僦舍萬井連值此長夏熱愈覺歸為賢故人忽
念我樂共湖山緣昨夜復大雨乘涼吟欲顛

次韻昌甫

人物本如雲八俊更三君
山風吹夏籜蒼雪落紛紛
專壑紫苔古掩闕青竹深
據高梧而瞑新蟬助長吟
斲土燒萌茁懲羹且一餐
竹新明眼句持荅愧琅玕
千歲支牀龜團蒲紙帳為
髮梳晨粥後梅有隔窻枝
未臘靈山白溪南只獨看
章泉兩峰雪應更地爐寒

次韻昌甫

澗冷浮水澌深居坐堆灰
紛然自積雪懷哉復懷哉

音澌

斯兒女強解事走躡風雪裏那知病骨酸常日懶起止
幽憂底窮盡抖擻時一撥鴻飛聲冥冥本是淡生活山
深已辟塵雪中清人心飛鳥絕尚可空花翳陰陰寒更
數歷然其如雪夜何長言與短調瑞峰清氣多

十日上饒次韻

菊開即重陽蝶愁何必論今朝縣齋冷松竹照清樽雅
致信無極世俗慚不根為醅夜來吟請從陶令言

次韻斯遠見懷

一樹梅花發窻前
耿寒宵我舞影零亂
哦詩江動搖田
收粗可飯歲暮豈無謠
山中烟霧合水澗雪霜消

次韻施仲益

飯了尋茗事一啜興未闌
更作建焙春湯熟
沉燎間僧
窻對詩人與我溪澗間
要是有餘味雲輕鳥飛還

次韻

交道棄如土利害俱成風
士夫無宿業反不類賤工
平
陸渺成江千載生傑雄
阮籍未云達黔婁安知窮

十五日將入章泉上饒有句次韻

上郭綿綿山夾路悠悠水尋春問詩翁興寄豈有已持
觴得茂宰抵掌笑行止坐中呼烏烏酒酣徒熱耳

次韻景瑜

已是山中人只問山中友水仙官梅花霜濃盛開否靈
山閣之前溪山堂之後竹裏春山亭冬深幾詩酒

從昔秋風起騷人感興同霞收滕閣外雲落楚臺中寂
寂無言說紛紛有事功漂流水南住相望屋西東

十三日次韻春伯

忍浣城郭塵來訪南隴友留連既聽雨放浪亦市酒誰
知桂滿門自覺香在手秋思今如何閑吟為之久

施教授以詩送藥餌次韻謝之

窮居寡所諧懶顧形與影誰與藥石我冉冉驚老景開
奩發瓊劑更以珠玉並三歎得効方因之倍脩省

次韻昌甫所寄因答施仲益且寄斯遠

平生所交友豈曰不數人但恐莫我知可踈不可親人

如李仲元人如鄭子真相望無百里猶得奉清塵
三子者之撰孰辨主與賓富貴非所惡古道多賤貧要
是一世士必有千載人淵乎章泉水高會聚荀陳
嘗看晉宋語無忌酷似舅馬如施與徐共學乃師友固
應在同聲亦何苦遺臭我獨乏雅正蓬心亂苗莠

次韻

人梅兩相得雪雲陰復開此時對自足朝夕為誰催
逢花既攀折尋香試徘徊山意動詩興優哉而悠哉

次韻

留詩鍊字穩讀者無此識共看庭前桂不改舊時碧洗
盞取酒來飲盡莫留滴醉後氣易平長哦對泉石

次韻成季道中

蒼然山抱溪遊子意何主雪殘崖下日風落泉上雨巖
陵固莫及玄英亦堪數嵐靜白雲深扁舟過汀渚
乘流下東吳耳目眩灘水篷歌舟蕩兀柁正纜迤邐曉
離林薄傍晚着沙石裏縮頭鵝鴈眠時時忽驚起

二十七日置酒饒昌甫雪作次張上饒韻

竭來固意愜候去誠願違敢云一語是未省百事非春
雪遽落落春花亦菲菲舉手酬座人酒美翁不歸

次韻吳推官獨遊南巖寺

獨遊有妙理拓落空自知丘壑始晴日澗溪輕暑時胡
牀看題字佛屋思詠詩宜非車馬喧得以同襟期

叢深集幽鳥荒翳無來人崖上滴乳泉崖外棲緇塵在
此本如舊相彼徒爭新應當學金僊永斷貪癡嗔

辛卿有言雨則清潤晴則清和昌甫因為五字

次韻呈之

雅俗豈殊調今古信一時晴雨草木長摸索皆我詩善
來子趙子身世忽若遺顧瞻絕代人乘閑有幽期和潤
見名理處處清氣隨坐卧泉亂鳴孟夏涼侵肌睡餘供
茗事禪榻鬢成絲進退出處間何心玩易義

再賦呈斯遠

鵬鷗各相命誰非逍遙遊何足控搏處馮生一虛舟老

身縛微官是氣空
橫秋歲月如斯夫
對君那得愁嘯歌
逝流光更上大堤頭
好風從東來孤懷
眇難收

伯臯自永豐見過次韻

薰風入家林共坐滿
窻綠交遊情致深
景物歲月速傷哉
利名者冰炭恣寒燠
既已隨頽波一失
不可復較具心迹
微能異幾禽犢吾
儕事幽討得興萬
慮足相羊山水間
處處堪悅目君來
叩蓬戶離羣久居
獨道故驚變遷憂
時見翻覆且聽歌
聲長前村正樵牧

次韻斯遠夜歸

看梅集池館風雨中夜歸當君扶輿際是我尋夢時山
氣既龍從晨光且熹微倏來五字工亟讀起披衣

劉簿之壻游以詩來見且持昌甫書和韻荅之
空山落黃葉天寒鴻雁鳴敲門袖詩來一見喜且驚清
揚固不凡雅意方流行如天兩曜奔如水百瀆傾是中
有妙寄冰翁必能名

次昌甫韻

人物曾幾何歲月良不待秋深動金石夜久生筭籟涼
知神觀回靜勝語嘿對悠悠苔竹軒語短莫能載

次韻林教授見別

二月二十一日發家山

老我成漫仕世事馬牛風投身逐毫末益愧多田翁乘
春欲東遊肯問行李窮溪干富桃李花光眩晴空停橈
一舉首壯氣猶如虹靈山正崔嵬半在返照中行藏豈
人定忠誠本天通但願行未實奚論報必豐君詩多雋
永三年幾相從山亭酌別酒舟車復西東餘情尚酬句

金天日石台
卷五
歲月雙鬢蓬黃髮愛玉體書來置郵筒

次韻林教授

終朝雨清潤坐嘯青林中
戍樓千鼓傳殷殷聞鼙鼙敢
為城市遠猶喜聲迹通
詩成賦幽憤志豈終困窮興言
古達者鹿門有龐翁此話世莫知
因公悅心胸

次韻昌甫仲春讀謫仙詩

年年最佳處韶豔三春光
顧我憔悴人豈不能自強拂
拭整春服行歌發清商
山頭山花開花底還舉觴
歡來

為之醉身世忽若忘笑指深林中崇蘭有國香

花嫩得雨開花老得雨落開落須臾期人生任相謔紅
花春融融白花春漠漠春色正可娛逢花快盃酌

苔竹雨浪浪章泉水涓涓是中春晴時瑞峰生紫烟幽
人更真率語客醉欲眠既已外此身庸知有愚賢

正月五日讀東坡和斜川詩於霞山

有酒勿憚飲觸事醉則休風物既閑美何為不來遊斜
川眇千載淵明豈常流疏年記時日依湍對魴鷗偶然

值隣曲崎嶇想經丘吾生亦老矣懷古誰與儔但笑勿
悲鳴百句無一酬茲辰過霞山又可絕口不却恆和陶
者儋崖聖同憂遙遙二子心妙處未易求

卨司法索詩

榜巷曰陋巷作齋為茅齋何愧安樂窩其志安在哉有
子醉六經有眼照九垓應羨常山水長從城下來

偶成

閑多乏交遊生晚欠知友棲遲強逢迎汨沒憚趨走幾

年荒野外已覺安井臼一旦朝市間時亦泥盃酒紛紛
夸毗兒落落窮獨叟由來事簞瓢豈是厭升斗湖波風
泛蓮野岸日移柳為問吳山頭何如楚溪口

昌甫寄苦錐次韻

回味有苦益充腸宜苦錐其實雖地出其雅則天資因
思夏畦發又見霜林吹穎彼庶可食此外何所為羶薌
易爽口鼎豆徒鮮頤朝市安能羨山林端足師悠然自
公詠殷勤還我貽咀嚼豈不樂吟哦信非癡

次韻趙監倉

是中能娛人豈為杯酒留不知我何求當復醉扶頭
翩翾佳公子臨風仲宣樓月滿乃如此對君可言愁

鄒道鄉送幼安赴澶倉

人生本逆旅行止良悠悠試看康莊上轍跡多成溝
公子分閑戶時來亦何由載書曉過邁邁春令方如秋
河濱古城府稅鞅聊優游青雲捷徑在坻庾非君優
臧孫故
有後蘄蘄承風流胡為重作惡日暮猶登樓

次韻王教授

悠悠城下水又與日平西漫移脚步高忘却所歷低奔
忙小聚邑乃有一大溪欄干莫浪拍事物久難齊望舒
生絕嘯我醉馬未嘶停驂且莫上狹路多塗泥

月夜小集次韻鄭教授

溪山有佳月可以永今夕驚心總悠悠過眼紛籍籍何
為秋向深甚是老已逼長謠陶一觴懷抱所共席披衣
步良夜奈此佳月何太虛澹以濶青景轉覺多風微泛

家山露湛明庭樹烏鵲無停棲
稀星片雲度光冷秋氣
肅感時唯自驚徘徊亦已久
不知更漏深嫦娥在高高
傳聞殊恍惚雙鶴快飛來
駕我探月窟

有懷斯遠及施仲益次章丘韻

後湖有徐舅永豐有施甥
英英懷玉山方來孰爭衡
世豈無甥舅人豈無友生
二士真可人得之於我榮
躅壽回也短司命如不平
已乎係時數感焉涕泗并

次韻載叔

南風吹歸船便欲老林下塵埃坐吳會衮衮失晝夜因
行山寺高忽見此絮者長夏得襟期棲居靜如畫他年
共回首一段好佳話誰知予懷深萬事口不掛

次韻成季

涼天有佳月何須問盈虧彼美黃金花亦自滿東籬我
歸南山秋從此當樂之開園整舊蹊世事真若遺迤邐
得閑趣款曲知情怡鷗鷺或時下可使機心疑向來宦
江海自縛曾誰鞿客來相勞苦一觴聊共持休去便當

已宜佩淵明詩

挈杖過前麓涼風動吾巾指點昔所翫示我同心人徘徊路將夕猶能望城闌平沙映迴岸黃葉迷青蘋石逕亦可上老眼俱為新危亭望更遠左右還多筠不覺夜氣合沾灑雨脚勻興盡篝火歸隱約溪粼粼是中着佳士與俗隔幾塵

次韻嚴丈併呈孟使君

山城芳樹深明月啼杜宇客懷為搖蕩詩語亦覩縷竭

來新安江頗覺民物古故人作太守善政尤可數塵榻
為我下更復多軟語飄零曾幾何乃此一杯醕坐中嚴
夫子意氣欲掀舞晤對心事閒信矣良工苦

次韻抱朴君同紫芝見過

春來得新語勝食齋房芝舌本久已強便覺此意隨三
嚙元和津髣髴疑管窺是事夫如何今古誠一時起搔
種種髮抖擻酬酢之樓西萬山橫其中真吾詩試斷取
一二慘慘天四垂誰云泌之水而可以樂饑但願且喫

飯底用談所知彼哉長物爾徒敗人佳思

巖丈泰伯見貽古句次韻為答

意行無東西偶成一
段竒尋山得幽伴遂爾相娛嬉
水涉漁梁窄山循鳥道危
每慙衣上塵素染已如淄
新安山水邦寺屋多斷碑
摩挲青莓苔往往識歲時
所貴眼界濶豈畏足力疲
榜舟或扶輿上下適其宜
弔古踐陳迹懷賢理前規
呂侯讀書堂水西寺乃化光之父侍郎所居遺祀留丰姿
恨生異代深遐躅無由隨
寂寥付短篇醅酌持屈卮是

日頗款曲有時還切惻雖云各笑語卒復度禮儀英英
釣瀨仙其學夙素知譬彼巨淵藪蟠伏豹與螭一旦奮
迅去誰復維繫之觀乎律調雅益悼餘子卑示我千百
年匪特用自怡傳玩入鈴齋使君亦伸眉由來絕俗士
定有驚人詩激烈薄層穹豁達開晴曦况同陟山顛又
已還水涯物色既甚富身世真若遺昨非興寄清曷浣
窮陋悲白雪本寡和載廢思尤遲

渭為中書舍人禮部
侍郎生四子温恭儉

讓

次韻趙十

風誼益零落烏能論前修百年之江南聲利日夜流履
道兄弟賢幾時已交遊東里大父行宿昔契分投偉乎
竹隱高俗但言句求可不拜其廬何以記綢繆我衰尚
三歎微吟如殷憂傳聞擔簦趨梅黃雨初收一襟清微
風步步紫翠浮輿籃試息肩茅店板橋頭村酒勿浪醉
回驂當熟籌所觀書研真所奉窻几幽豈比城府間語
嘿勞應酬肥遯理事長故家文獻優林密山更深尋壑

好經丘履道果再來胥會誠良謀

俞伯輝主簿同徐必大判院見過澗上納涼約
鮑南仲教授小酌次韻南仲所賦兼懷林德久
國錄陳敬甫學士

嘉禾古名郡機雲信奇士流風千載下誰復數餘子近
年西疇仙德久遊戲在朝市文章陳仲弓合著蓬萊裏俱

嘗白鷗盟恨別隔秋水君侯乃其朋訪我靈山底一見
欲傾蓋青眼照牕几大抵交情深不待早知已學殖豈

枝葉詞林務根柢堂堂郡賓客千里為之喜顧言老場
屋眇焉每甚愧衡門度長夏風日忽清美懷賢思晤言
泉石滿幽耳固多長者轍愛閑諒無幾傳儻金閨路伯輝
剝啄快人意雙谿南宮秀必大留連今何似要是同襟期
此道亦難爾歡然君肯來棋酒不能已語朝得新篇誦
歎有真味載念平生親髣髴夢中記

次韻昌甫同酌宋知軍家釀

雅俗豈殊調城郭山林分知君心事寬一笑鷄鶴羣避

迨多

原本缺

客酒亦為之醺庾信哀江南李白日暮雲白

頭幾青眼吾人尚可云夜闌擁鼻吟天香桂紛紛

次韻斯遠弄琴

開門有詩來殷若金石聲虛堂坐以咏澹與秋氣清豈
無如此句豈有如此情懷哉我所尚求田乃歸耕時乎
發鳴彈浩浩非營營大音知者希既和應且平楓林月
在戶寒影滕上橫想當三歎後却手復起行華髮老相
看百事皆已經

次韻信卿

伊人學有源，疏汝蕩瀍澗。相羊辟雍水，他年定名宦。談
高如已仙，筆妙疑善幻。池龍駕車輦，天馬脫鞍轡。平生
諸公間，抵掌肯譏訕。顧我方卑飛，藩籬趁尺鷃。相逢山
水縣，不覺逼歲晏。時評道精麤，萬折歸一貫。更及義文
易，後世明憂患。行藏思鼎鐘，舒卷付藜莧。飄零朋舊交，
俛仰親故盼。因知昔能賢，此趣亦俱慣。茫茫造化廣，局
局天壤間。溪山偶登臨，古寺履危棧。老來身本閒，懶去

情轉慢詞場足金章決科信須縮霜天忍分手惻愴涕
空潛夜坐把離杯寒聲度鴻鴈

雨中次韻黃守見貽

新語忽墮前曠然銷我憂引紙為荅賦搖毫與冥搜貧
病雨未止荒涼水常流鼓琴誰裹飯能記子桑不

春伯邸樓次韻十哥所題

樓陰入清湖南風渡歌鼓旅夢不自持悠揚定何許醒
來疎雨過兩目隘泥土慮澹地亦偏桐花映窻戶

德久寄所與文叔酬唱因次韻

紅雲島上茶一葉開槍旗到今清夢飛正焙水芽時世
無桑苧翁泉井空日滋當年游其間停鞭嘗午炊想像
修貢珍清風可忘饑故人持英蕩豈不一賦之應笑拾
澗薪白石煮作糜臺高有揖客更和別駕詩

致道注船場闕有詩次韻

思老問形影憂饑累身口人生誠可嗟所食能幾糗不
過一飽爾自苦較先後爭馳分寸地旁觀真欲嘔如君

賦解嘲里耳果聽否吾方卧窮巷靜對小窻牖應笑我
所無請視渠所有

次韻斯遠併柬成季

茫茫大塊中返照孰真實閑乘此老身到處輒止息餘
涼披拂間露重葉已赤人其謂我何嗜彼烟火食蓬萊
幾清淺底用弱水力排雲斥剛風塵世便可出

午夜露氣冷明月忽已低推窻此何時蛩螿互悲淒乃
知南隴山更有南隴溪樵歌起老叟牧笛吹童兒百年

漫感欣千載勞是非口心忽相語不閑尚奚為磊磊千
枝松洋洋萬頃陂偃蹇衡茅下匪懼寒與饑

次韻昌甫

論交與誰語勿厭來者衆山林恨不深萬事祇一闕秋
風吹衣裳慄慄薄寒中幽憂誦離騷此意千載共世豈
無升沉人自有輕重匪惟物所移即以勢之動吁嗟奈
若何得句且吟諷吾儕聚集地絕倒頗閑縱雖作三日
留尚覺歸倥偬長歌固云哀慟哭未為痛遷書並屈賈

班史傳王貢甚矣孔仲尼不復周公夢

次韻吳推官

水南見靈山但可著兩眸孰知九州外自有大九州放
浪此身心是事同浮漚樂哉我重九風雨簷溜收

次韻

宴坐寂不動筆硯亦當屏空虛四壁懸况此夏方永世
塗綠業多荆棘萬蓬梗痛掃終未除中抱絕清固老身
伸縮餘妙處頗能領時舒腰脚頑那復弔形影日長掩

關卧睡熟呼弗醒客來曾幾何間亦乏酒茗富貴今金
張功名更鄧耿有味是桑麻肥遯義尤迥朋從趙與尹
堂齊偶鄰並歡言修敏家俱可話閑靜此趣人勿驚吾
詩聊自省

分韻得晚字

三年西湖邊薄官良衮衮春風我欲歸龍井不憚遠結
客試幽尋山深恨來晚

初五日孔野雲同酌樓下取琴作白雲曲因和

周倅所贈韻

野雲彈白雲聲寄徽外微
胎仙舞三疊生飛上華池徽
弄瞬息間是豈箏阮資孤
桐本貞高緩節調勿催天心
古樂見畫出彌明師志士不
可聽俗士不可窺落魄倒
冠者因之得希夷靈仙福地
南春風百草齊

莊賢良有園在境上作詩相示因和韻

賀家池上園自足了一世是
中風味佳恨我未能至縱
橫十畝寬想見去荒穢葑苗
與菜本歲久必多置人生

閑最樂奚苦事名第軒裳果可得不過多僕婢爭如老
山林庶足遠朝市能吟無自悲逢酒便須醉因公發長
謠休去轉覺易

小酌餞耿運幹趙推官分韻復和韻

時坐人以
葉潤林塘

密為韻分賦皆次其韻
此詩五首其二首見五律

山林閑放身幽意苦不愜因來我壺觴且送爾官牒池
蓮紅未葩園笋綠已葉去住豈願違人寰付塵劫

痼疾已烟霞藥石從美疾誰憐名宦遲我覺幻化迅興

與山孤高語帶澗深澗去去上下塘應勞青眼瞬
勿云杯酒闌且認語笑窈婆娑真一老跌宕忻六逸交
遊貴忘年志意當惜日舒而有鼎彝卷而有篇帙

半塘寺法華童子塔和石刻韻

生公曾坐講童子本來明寂寂春光晚半塘流水清身
心為淨土千古話風鈴禮塔四方靜巡簷一片聲

太守茶山周治中作大字分韻

漫興詩酒裏茶山復何為使君領客來達尊亦嘻嘻別

駕真不凡咳唾墨淋漓中間章泉叟勝事徒自知寄語
桑苧茶今是春早時

九日周國正席間分韻

我家南山陞九日空自知抱病起登臺茱菊隨所宜主
稱時序嘉頌客相娛嬉烟雲開遠村城郭橫近溪當年
漉巾陶何事獨遶籬醒醉一笑爾千古無庸悲秋風緩
搖落揮杯且題詩

夜醉處晦山臺明日和韻

高臺梅先開老意為興起何知寒事營樞驥志不已下
視城郭居萊蕪欠耘鋤嘈雜復嘈雜百年狐兔墟怒馬
如調飢山阿休采薇怨耶其非邪且問竹外枝仲尼杖
何感能叩原壤脛今我其息黥舉身都是病方來二三
友少敢話肝腸縱云千日花難著一夜霜南渡誠草草
流落那忍道吾人能幾家向來有諸老

和韻趙十

能為博山遊想度丁公嶺風乎兩崑幽泉石景逾靜人

誰無雅識每每痼俗境書傳所興起更復史集訂於其
遊息間趣味必雋永如君英妙年宦達在俄頃因問知
好修何事不加省里居得往還時亦具菓茗詩來予和
女老意轉甦醒

和韻

一笑過浮梁留連度隙光君當思大耐我已老蒼管只
恐心情短須教興寄長酒從詩自好分韻記禪房

酒亦關何事片片流仙霞用之滌肺肝相與成詩家一

酌且濡唇再酌深到花持杯兩相笑吟哦入幽遐筆落
豈知醉何者是生涯

人生本無情掩苒受風竹徒親筆硯勞造作漫盈軸賓
親偶成集禪榻不待速清歡雖與同極則豈見獨坐中
憎點頭任彼屐滿屋

和淨字

悠悠俱幻境起滅要人認相從一轉語老嬾且求靜禽
鳥亦何情草木有本性底用詩自鳴幽禪了真淨

和字字

人家翠微深林空響機杼烟收片月出霜氣襲衡宇
追隨賴陶寫領畧道情素尋我澗谷中更入春山去

和天字

歲晚營寒事崢嶸窮臘前雲山一敗裘百種不敢先遊
於物之初更尚我所賢彼哉野馬塵從渠舞甕天

和清字

心親相往來豈計酒濁清水南有茅屋橋北是山城煙

霜忽雨晴雲風催雪明撫觥既已醉回薄萬古情

和仲至贈蹈中韻

人非不知我知之欲何求錢塘一都會江湖水悠悠豈
無美少年亦有杖白頭吾儕出入地汎乎不繫舟急謀
斗升爾顏面那用羞憶昔南渡來衣冠幾春秋世道遞
升降人物稀復稠紆朱懷金者信足樂輩儔細思黏魚
竿家山本田疇朔風吹眼眇觸事風馬牛且如詩中仙
可以追逐不

和昌甫

相望隔異縣但願加餐飯悠悠雞唱晨寂寂鐘鳴晚是
中或欣佳聊以寄頽嬾有時得片言經旬荅寸簡會當
固窮齋汲井為洗琰

和校官

識賞調固佳詠嘆心愈轉載吟復載嘯我亦為之行至
味寄和平浮辭謝雕篆因思交斷金是必德勝璉方來
二三友往往錢萬選主人好事者託興每不淺坐令浣

花翁索酒望雲巘淋漓顛倒間感舊或未免薰風吹壺
觴落日照盤饌溝流水聲遠慮淡物自遣

和伯輝去歲所寄兼懷曾君錫左司

山扃竹林居神情為之凝泉仙墨妙揮特令人眼明是
豈有心哉亦匪不平鳴其仙今如何帝所振金聲枕麪
劉伯倫漱石孫子荆既言委陸沉頗謂乃崢嶸放身嘗
一遊面勢既經營極知天下士不但同年生襟期兩嘉
尚歲月有餘情我亦老賓客祇欲身中清槁項禿髮矣

空吟澤畔行

和元立使君起字

敢為蚍蜉憾謾作蒹葭倚荒唐北溟魚怪誕南柯蟻朗
吟韻已分更酌盞可洗揮手問黃山夜半笙鶴起

和尹一韻

何處尋吾詩梅橫修竹色搔頭入混沌揮手謝偃側陶
然漫飲趣卓矣要筆力冰溪最高地不可不造極

古鬲次韻成季

俗物敗人意淺陋欲曷澣吾行半天下綿邈歲月嬾空
空持一身貿貿着兩眼心知瑚璉珍黃流在中瓚良玉
豈易逢金鑄得亦罕孰謂山之幽因仍對茶盞彼曷乃
爾竒奚待識者斷蕩掃盆盎空儼雅古風滿文篆異代
遠姑以耳目限天大寰海波窺測笑蠡管傳觀用燎沉
留連為之歎

子任處晦子潛各分韻於杰上人房

雲房見山僧心中與之然朋來二三子亦與同醉眠是

事夫如何未許醒者傳

休上人寄鮑侍郎誦之因借其韻

傳芭兮擷英隕葉兮槁莖美人天一方失勢名不榮暑
風自南至涼月向西生良圖彌用勵意氣人命傾

為寺僧分韻得禪字

車馬何方來花溪響林泉晏叟送遺民自然吟其天顧
我粥飯僧豈了文字禪且為作餅供晴軒少回旋

正月廿七日和林祕書賀雪日所賦

麤官居隘巷聽雪補蒲團坐久叻悲鳴俄而想天闔其
誰劍佩履正爾於清班飄飄蓬萊仙地位尤高寒表瑞
祈豈登蓋為稼穡艱步趨夔龍後心寄陶柳間塵凡如
我儂尚許窺一斑人和則氣和穹昊初匪慳

分韻得屏字

雨聲心自醒山色眼中青雌霓殷殘照雄風寫疎星捉
筆賦磊砢行盃笑零丁坐久屢更僕一任僵觸屏

同昌甫坐雪觀看權巽中詩因和其雪句

雪中來雪觀談妙非波旬山僧亦攝衣兩手揖座人似
以眼諭心謂言在茲辰况復章泉翁蒼華岸烏巾知我
所居近喜我與寺隣共翻瘦權詩一條綺麗塵是事夫
如何歲寒梅自春

趙倅古句見寄和荅

出門非有礙何地着老身幸哉倚樓仙乃不嫌我真時
時寫興來憂道不憂貧較彼肉食鄙未知隔幾塵浩蕩
如白鷗信矣誰能馴餘干相國家世代常有人上饒監

郡尊尚許間者親更語春山君扶藜整紗巾詩情復如
何柰此寂寞濱

微祿弟有微祿養閒靜之嘲因足成篇

微祿養閒靜冉冉驚老境誰知歲月速復此霜露冷齒
髮墮江湖家世本箕顛無効彭澤翁茫然弔形影

和江文通擬休上人詩韻

日夕北風起叩角何悲哉所思不可見只有飛雪來林
聲方淒冽溪光正徘徊短衣挽莫前匣鏡那忍開空對

翠屏晚寒雲透南臺茶竈煨宿火禪龕拂新埃江東憶
李白今古同此懷

乙上人邵請住鵝湖不往

為人不在人衆聖已推出稻麻竹葦蔗處處祇教律偉
哉棒喝邊密中之秘密拈花既成菓如雲而見日鵝湖
大義禪法身尚崑室喚回鐘鼓醒都在一柳粟我今非
勸請亦豈弄吟筆稽首大德尊身口意無逸

淨慈西堂簡敬叟

西菩無道潛西林無義銛兩山錢塘湖魚鳥空毫纖吐
哉簡敬叟老醜復何有火燄裏翻身冷地裏合口誰謂
天地大而今歲月淹冬寒倍冽冽夏暑常炎炎衆生難
化度少病少魔否引領而望汝平荷蔭堤柳

諸葛解元家分韻

溪橫葛陂水上有稚川宅歡言一壺酒未覺千歲隔詩
經茱菊節人語風雨夕雅俗調本殊奚止相什百

有懷連長老和韻劉推官

周賓既已往舊話三十年清哉卓庵地龕燈照雲泉故
友獨此翁老大窮當堅一身鹿覆蕉百計蟻磨旋詩來
起我思山澤龐眉僊